


唐雅

目錄

卷十五之十七



唐雅第七冊目錄

卷之十五

省直部

韋承慶直中書省一首

儲光羲奉和中書徐侍郎中書省翫

補白雲寄潁陽趙大密一首

宋之問和姚給事寓直一首

喬知之 and 蘇員外寓直一首

李愷 and 戶部楊員外伯成寓直一首

魏知古沈佺期和中書侍郎楊再思

春夜宿直鳳閣懷群公共二首

杜甫春宿左省一首

蘇頲春晚紫微省直寄內一首

沈佺期酬蘇員外味道夏晚寓直省

中見贈一首

庫狄履温夏晚初霽南省寓直時兼

尚書郎節度判官一首

寇坦同張少府和庫狄員外夏晚初

霽南省寓直時兼充節度判官一

首

王灣秋夜寓直卽事懷贈蕭令公裴

侍郎兼通簡南省諸友人一首

宋之問和庫部李員外秋夜寓直作

一首

岑參和刑部成員外秋夜寓直寄臺

宋省知己一首

王維同崔員外秋宵寓直一首

杜甫立秋雨院中有作一首

宋之問冬夜寓直麟閣一首

李嶠和杜侍御太清臺宿直旦有懷

一首

沈東美奉和苑舍人宿直曉翫新池

寄南省友一首

張九齡和許給事夜直簡諸公一首

崔顥奉和許給事夜直簡諸公一首

楊炯和鄭仇校內省眺矚思鄉友一

首

上官儀訓薛舍人萬年宮晚景寓直

懷友一首

楊師道中書寓直詠雨簡楮起居上

官學士一首

見天文部

楊炯和騫右丞省中暮望一首

杜甫晚出左掖一首

杜甫院中晚晴懷西郭茅舍一首

張說宿直溫泉宮羽林獻詩一首

唐詩集卷之十六
楊浚贈李郎中一首

徐彥伯贈劉舍人古意一首

沈佺期謝楊給事兼見贈省中一首

沈佺期和戶部岑尚書參迹樞揆一

首

沈佺期自考功員外授給事中一首

張九齡酬通事舍人寓直見示篇中

兼起居舍人景獻一百

王維酬郭給事一首

李白翰林讀書言懷呈集賢內諸學

士一首

岑參寄左省杜拾遺一首

岑參省中即事一首

杜甫洞房一首

岑參西掖 即事一首

杜甫題省中院壁一首

杜甫宿府一首

卷之十六

卷之四
誕辰部

中宗誕辰內殿宴群臣聯句二首

李嶠中宗降誕日長寧公主滿月侍

宴一首

玄宗千秋節宴一首 并序

張說奉和聖製千秋節宴應制一首

張說皇帝降誕日集賢殿賜宴一首

王維奉和聖製天長節賜宰臣歌應

制一首

王維獻壽詞一首

儲嗣部

盧僎上幸皇太子新院應制一首

韓王元嘉奉和同太子監守違懸一

首

薛元超奉和同太子監守違懸一首

婚姻部

高宗皇帝太子納妃太平公主出降

一首

郭正一劉禕之元萬頃任知古胡元
范裴守真奉和太子納妃太平公
主出降共六首

高宗皇帝太子納妃一首

胡元范裴守真奉和太子納妃共二

首

宋之問壽陽王花燭圖一首

張光朝天門街西觀榮王聘妃一首

王昌齡蕭駙馬花燭一首

張說安樂郡主花燭行一首

卷之十七

公讌部

太宗春日玄武門宴群臣一首

杜正倫玄武門侍宴一首

太宗宴中山一首

許敬宗奉和宴中山應制一首
以上二首

見山嶽部

喬知之侍宴應制得分字一首

虞世南侍宴應詔得前字一首

賈至侍宴曲一首

姚崇故洛陽城侍宴應制一首

孫逖奉和上陽水窓賜宴得春字一

首

張九齡奉和上陽水窓賜宴得移字

一首

張九齡天津橋賜宴得歌字一首

見橋

梁

李嶠奉和天樞成宴夷夏群寮應制

一首

李景伯沈佺期迴波樂共二首

張說蘇摩遮五首

張九齡集賢書院成奉勅送張說上

集賢學士賜燕序

玄宗集賢書院成送張說上集賢學

士賜宴得玠字一首

韋述奉和聖製送張說上集賢學士

唐雅集七冊目錄
賜宴得華字一首

源乾曜奉和聖製送張說上集賢學

士賜宴得迎字一首

韋抗奉和聖製送張說上集賢學士

賜宴得西字一首

裴濯奉和聖製送張說上集賢學士

賜宴得昇字一首

李暉奉和聖製送張說上集賢學士

賜宴得催字一首

昇奉和聖製送張說上集賢學士

賜宴得賓字一首

賀知章奉和聖製送張說上集賢學

士賜宴得謨字一首

王翰奉和聖製送張說上集賢學士

賜宴得筵字一首

趙冬曦奉和聖製送張說上集賢學

士賜宴得蓮字一首

李元紘奉和聖製送張說上集賢學

李士賜宴得私字一首

程行謚奉和聖製送張說上集賢學

士賜宴得迴字一首

陸堅奉和聖製送張說上集賢學士

王賜宴得今字一首

蕭嵩奉和聖製送張說上集賢學士

賜宴得登字一首

褚琬奉和聖製送張說上集賢學士

賜宴得風字一首

蘇頲奉和聖製送張說上集賢學士

賜宴得茲字一首

張說奉和聖製送赴集賢院得輝字

一首

玄宗春晚宴兩相及禮官於麗正殿

探得風字一首

張說春晚侍宴麗正殿探得開字一

首

張說恩制賜食於麗正殿書院宴賦

唐雅集卷之五目錄
九
得林字應制一首

王灣恩制賜食於麗正殿書院宴賦

得天字應制一首

玄宗同二相已下群官樂遊園宴一

首

崔沔胡皓王翰崔尚趙冬曦張說張

九齡宋璟蘇頌奉和聖製同二相

已下群官樂遊園宴共九首

張說三月二十日詔宴樂遊園賦得

風字一首

王維奉和聖製賜史供奉曲江宴應

制一首

酺宴部

楊炯奉和上元酺宴應詔一首

盧照隣登封大酺歌一首

杜審言大酺二首

永昌元年

陳子昂洛城觀酺應制一首

張說東都酺宴五首

并序

玄宗御製春中興慶宮酺宴一首并序

張說奉和聖製春中興慶宮酺宴應

制一首

張九齡奉和聖製南郊禮畢酺宴一

首

張九齡奉和聖製登封禮畢洛城酺

宴一首

蘇頲廣達樓下夜侍酺宴應制一首

王昌齡夏月花萼樓酺宴應制一首

王維奉和聖製正月十五夜燃燈繼

以酺宴應制一首見節序部

儲光羲大酺得長字韻時任安宜尉

一首

儲光羲獻高使君大酺作一首

李白流夜郎聞酺不預一首

唐雅第七冊目錄

唐雅卷第十五

李白赤文夜聞解不野一首

謝安寒爐高更法大補刊一首

一首

唐雅卷第十五

大明嘉靖壬子歲直隸常州府無錫縣置板

省直部

韋承慶直中書省一首

清切鳳凰池扶踈雞樹枝唯應集鸞鷲何為
宿羈雌大造乾坤闢深恩雨露垂昆蚊既含
養駑駘亦驅馳木偶翻為用芝泥忽濫窺九
思空自勉五字本無施徒喜逢千載何階荅
二儀螢光向日盡蚊力負山疲禁宇庭除闢

閒宵鍾箭移暗花臨戶發殘月下簾歎白鬢
隨年改丹心為主披命將時並泰言與行俱
危寄謝登巢客堯年復在斯
儲光義奉和中書徐侍郎中書省翫
白雲寄潁陽趙大一首
青闕朝初退白雲遙在天非關取雷雨故欲
伴神仙泛艷鵝池曲飄颻瑣闥前猶多遠山
意幸入侍臣篇

宋之問和姚給事寓直一首

清論滿朝陽高才拜夕郎還從避馬路來接
珥貂行寵就黃扉日威迴白簡霜柏臺遷鳥
茂蘭署得人芳禁靜鐘初徹更踈漏更長曉
河低武庫流火度文昌寓直光輝重乘秋藻
翰揚暗投空欲報下調不成章

喬知之 和蘇員外寓直一首

自昔重爲郎伊人練國章三旬登建禮五夜
直明光墨草尚書奏衣飄侍御香捫軒竹氣
靜拂簾蕙風涼曉漏離閭闔鳴鐘出未央從

來宿臺上天子貴文強

李愷和戶部楊員外伯成寓直一首
落日彌綸地公才畫省郎詞驚起草筆坐引
護衣香雙闕天河近千門夕漏長遙知臺上
宿不獨有文強

魏知古和中書侍郎楊再思春夜宿

直鳳閣懷羣公一首

拜門傳漏晚寓省索居時昔重安仁賦今稱
伯玉詩鴛池滿不溢雞樹久逾滋夙夜懷山

甫清風詠所思

沈佺期和中書侍郎楊再思春夜宿

直鳳閣懷羣公一首

西禁青春滿南端皓月微直廬宵駕合五夜
曉鐘稀星斗橫綸閣天河度瑣闥煙花章奏
裏紛向夕郎飛

杜甫春宿左省一首

花隱掖垣暮啾啾棲鳥過星臨萬戶動月傍
九霄多不寢聽金鑰因風想玉珂明朝有封

事數問夜如何

蘇頲春晚紫薇省直寄內一首

直省清華接建章向來無事日猶長
花間燕子棲鳩鵲竹下鶯鷓繞鳳凰
內子通宵承紫誥中人落晚愛紅妝
別離不慣無窮憶莫誤卿卿學太常

沈佺期酬蘇員外味道夏晚寓直省中見贈一首

並命登仙閣通宵直禮闈大官供宿膳
侍史護朝衣卷幔天河入開窻月露微
小池殘暑退高樹早涼歸冠劍無時釋
軒車待漏飛明朝題漢柱三署有光輝

庾狄履温夏晚初霽南省寓直時兼尚書郎節度判官一首

薄宦因時忝涼宵寓直初沈沈仙閣閉的的
暗更徐霽色連空上炎氛入夜除星迴南斗
落月度北窻虛待漏殘燈照含芳襲氣餘寐
來冠不解奏罷草仍書幕府慚良策明曹媿

散樗命輕徒有報義重更難踈燕厦欣成託
鵷行濫所如晨趨當及早復此戒朝車

寇坦同張少府和庠狄員外夏晚初
霽南省寓直時兼充節度判官一首

黃綬歸休日仙郎復奏餘宴居當夏晚寓直
會晴初露散星文發雲披水鏡虛高才推獨
唱嘉會喜連茹月色搖春闈香煙靄暝廬千
門傳夜警萬像照階除少儒嘉能賦文強閱
賜書兼曹謀未展入幕志方攄爲奉靈臺帛
恭先侍漏車貞標不可仰空此樂樵漁

王濟秋夜寓直卽事懷贈蕭令公裴
侍郎兼通簡南省諸友人一首

聖主萬年興賢臣數載升古靈傳岳秀宏量
稟川澄畿甸舉長策風霜秉直繩出車遙俗
震登閣滿朝稱賦簡流亡輯農安政理憑還
家新長幼巡壠舊溝塍忠鯁大勲立寰瀛墮
業懲焚香兼御史懸鏡委中丞旗隼當朝立
臺驄發郡乘司徒漢家重國典潁川徵雲路

俄平入台階忽上凌秉鈞調造化宣綽慰黎
蒸金省方秋作瑤軒直夜凭中書贈陳準右
相簡王陵三傑賢更穆百僚歡且兢搖懷及
賓友計曲辯淄澠閭闔暝陰散鈞陳爽氣凝
月深宮樹轉河近禁樓冰卑吏夙驅策微涓
効斗升望麾宵繼火書板曙懷烝彼此雖流
眄規模轉服膺惠將霄漢隔勞或歲時矜位
重恩寧濫才輕懾不勝林巒念獨往疵賤苦
相仍敢忘銜花雀思同附驥蠅平生逐鳥雀

何日似蒼鷹

宋之問和庫部李員外秋夜寓直作

一首

相庭貽慶遠才子拜郎初起草後仙閣焚香
臥直廬更深河欲斷節勁柳偏踈氣耿凌雲
筆心搖待漏車叨榮厠儔侶省已惡空虛徒
斐陽春和難參麗曲餘

大官臨岑參和刑部成員外秋夜寓直寄臺

省知己一首

列宿光三署仙郎直五宵時衣天子賜厨膳
太官調長樂鐘應近明光漏不遙黃門持被
覆侍女捧香燒筆爲題詩點燈綠起草挑竹
喧交砌葉柳躡拂窻條粉署榮新命霜臺憶
舊寮名香播蘭蕙重價蘊瓊瑤擊水翻滄海
搏風透赤霄微才喜同舍何幸忽聞韶

王維同崔員外秋宵寓直一首

建禮高秋夜承明候曉過九門寒漏徹萬井
曙鐘多月迥藏珠斗雲消出絳河更慚衰朽

質南陌共鳴珂

杜甫立秋雨院中有作一首

山雲行絕塞大火復西流飛雨動華屋蕭蕭
梁棟秋窮途愧知己暮齒借前籌已費清晨
謁那成長者謀解衣開北戶高枕對南樓樹
濕風涼進江喧水氣浮禮寬心有適節爽病
微瘳主將歸調鼎吾還訪舊丘

宋之問冬夜寓直麟閣一首

直事披三省重關秘七門廣庭憐雪淨深屋

喜爐温月幌花虚馥風窻竹暗喧東山白雲
意茲夕寄琴樽

李嶠和杜侍御太清臺宿直旦有懷

一首

貂冠朝彩振烏署曉光分欲嘯遷喬侶先飛
擲地文庭虚麥雨潤林靜蕙風薰嵇駕終難
仰梁鳧且自羣

沈東美奉和苑舍人宿直曉翫新池

寄南省友一首

傳聞閭闔裏寓直有神仙吏爲三墳博郎因
五字遷晨臨翔鳳沼春注躍龍泉去似登天
上來如看鏡前影搖宸翰發波淨列星懸旣
濟仍懷友流謙欲進賢彈冠聲實貴覆被渥
恩偏温室言雖阻文場契獨全玉珂光赫奕
朱紱氣蟬聯興逸潘仁賦名高謝朓篇青雲
仰不逮白雪和難牽苒苒胡爲此甘心老歲
年

張九齡和許給事夜直簡諸公一首

唐詩卷之五
八
未央鐘漏晚仙宇藹沈沈武衛千廬合岩扃
萬戶深左掖知天近南窻見月臨樹搖金掌
露庭徙玉樓春他日聞更直中宵屬所欽聲
華大國寶夙夜近臣心逸興乘高閣雄飛在
禁林寧思竊抃者情發爲知音

崔顥奉和許給事夜直簡諸公一首

西掖黃樞近東曹紫禁連地因才子拜人用
省郎遷夜直千門靜河明萬象懸建章宵漏
急閭闔曉鐘傳寵列貂蟬位恩深侍從年九
重初起草五夜卽成篇顧已無官次循涯但
自憐遠陪蘭署作空此仰神仙

楊炯和鄭仇校內省晚矚思鄉友一

首

銅門初下辟石館始沈妍遊霧千金字飛雲
五色牋樓臺橫紫極城闕俯青田暄入瑤房
裏春迴玉宇前霞文霾落日風物淡歸煙翰
墨三餘隙關山四望懸顏峰睽酌羽流水曠
鳴弦雖欣承白雪終恨隔青天

上官儀訓薛舍人萬年宮晚景寓直
懷友一首

奕奕九成臺窈窕絕塵埃蒼蒼萬年樹玲瓏
下冥霧池色搖晚空岩花斂餘照清切丹禁
靜浩蕩文河渺留連窮勝託夙期睽善謔東
望安仁省西臨子雲閣長嘯披煙霞高步尋
蘭若金狄掩通門雕鞍歸騎喧燕姝對明月
荆艷促芳樽別有青山路策杖訪王孫

楊師道中書寓直咏雨簡褚起居上

官學士一首

見天文部

楊炯和騫右丞省中暮望一首

故事閒臺閣仙門藹已深舊章窺複道雲幌
肅重陰玄律葭灰變青陽斗柄臨年光搖樹
色春氣遶蘭心風響高窻度流痕曲岸侵天
民總樞轄人鏡辨衣簪日暮南宮靜瑤華振
雅音

杜甫晚出左掖一首

畫刻傳呼淺春旗簇仗齊退朝花底散歸院
柳邊迷樓雪融城濕宮雲去殿低避人焚諫
草騎馬欲雞棲

春原杜甫院中晚晴懷西郭茅舍一首

幕府秋風日夜清澹雲疎雨過高城葉心朱
實堪時落堦面青落先自生復有樓臺對暮
景不勞鐘鼓報新晴浣花溪裏花饒笑肯信
吾兼吏隱名

張說宿直溫泉宮羽林獻詩一首

冬狩美秦正新豐樂漢行星陳玄武閣月對
羽林營寒木羅霜仗空山響夜更恩深靈液
暖節勁古松貞文武皆王事輸心不爲名

楊浚贈李郎中一首

仙郎早朝退直省臥南軒院竹自成賞階庭
寂不喧焚香開後閣起草閉前門禮樂風流
美光華星位尊榮兼朱紱貴交乃布衣存是
日登龍客無忘君子恩

徐彥伯贈劉舍人古意一首

支牀閔靈鳥文章世所希巢君碧梧樹舞君
青瑣闈或言鳳池樂撫翼更西飛鳳池環禁
林仙閣霧沈沈璇題激流目珠綴綿清陰郁
穆帝言重熒煌台座深風張丹鳳翮月弄素
琴音雙彩結不散孤英跂莫尋浩歌在西省
經傳恣潛心

沈佺期訓楊給事廉見贈省中一首

子雲推辨博公理擅詞雄始自尚書省旋聞
給事中言從温室秘籍向瑣闈通顧我叨郎
署慚無章奏工分曹八舍斷解袂五時空宿
昔陪餘論平生賴擊蒙神仙應東掖雲霧限
南宮忽枉瓊田贈長歌蘭渚風

沈佺期和戶部岑尚書參迹樞揆一

首

大君制六合良佐參萬機大業永開泰臣道
日光輝鐘鳴和鼎食家聲衆所歸漢章題楚
劔鄭武襲緇衣理識當朝遠文華振古稀風
雲神契合舟楫道心微廟堂喜容與時物遞

芳菲御柳垂仙掖公槐覆禮闈昔陪鸚鵡後
今望鷓鴣飛徒御清風頌巴歌聊自揮

沈佺期自考功員外轉授給事中一

首

南省推丹地東曹貴瑣闈惠移雙管筆恩降
五時衣出入宜真選遭逢每濫飛器慚公理
拙才謝子雲微案牘遺常禮朋僚隔等威上
台行揖讓中禁動光輝旭日千門起初春八
舍歸贈蘭聞宿昔談樹隱芳菲何幸鹽梅處
惟憂對問機省躬知任重寧止冒榮非

張九齡酬通事舍人寓直見示篇中

兼起居陸舍人景獻一首

軒掖殊清秘才華固在斯興因膏澤灑情與
惠風吹所美應人譽何私亦我儀同聲感喬
木比翼謝長離價讓陸生減賢慚鮑叔知薄
遊嘗媿芳訊乃兼施此夜金闈籍伊人瓊
樹枝飛鳴復何遠相顧幸媿媿

王維酬郭給事一首

洞門高閣霽餘輝
桃李陰陰柳絮飛
禁裏疎鐘官舍晚
省中啼鳥吏人稀
晨搖玉珮趨金殿
夕奉天書拜瑣闈
強欲從君無那老
將因臥病解朝衣

李白翰林讀書言懷呈集賢內諸學士一首

晨起紫禁中夕待金門詔
觀書散遺帙掇古
窮至妙片言苟會心
掩卷忽而笑青蠅易相
點白雪難同調本是踈
散人屢貽福促誦雲
天屬清朗林壑憶遊眺
或時清風來閒倚欄
干嘯巖光桐廬溪謝客
臨海嶠功成謝人間
從此一投釣

岑參寄左省杜拾遺一首

聯步趨丹陛分曹限紫微
曉隨天仗入暮惹御香歸
白髮悲花落青雲羨鳥飛
聖朝無闕事自覺諫書稀

岑參省中即事一首

華省謬爲郎蹉跎鬢已蒼
到來恒撲被隨例

且含香竹影遮窻暗花陰拂簟涼君王新賜
筆草奏向明光

杜甫洞房一首

洞房環珮冷玉殿起秋風秦地應新月龍池
滿舊宮繫舟今夜遠清漏徃時同萬里黃山
北園陵白露中

岑參西掖

卽事一首

西掖重雲開曙暉北山疎雨點朝衣千門柳
色連青瑣三殿花香入紫微平明端笏陪鸞
列薄暮垂鞭信馬歸官拙自悲頭白盡不如
岩下偃荆扉

杜甫題省中院壁一首

掖垣竹埤梧十尋洞門對雪常陰陰落花游
絲白日靜鳴鳩乳燕青春深腐儒衰晚謬通
籍退食遲回違寸心袞職曾無一字補許身
媿比雙南金

杜甫宿府一首

清秋幕府井梧寒獨宿江城蠟炬殘永夜角

唐雅卷十五
聲悲自語中天月色好誰看風塵荏苒音書
絕關塞蕭條行路難已忍伶俜十年事強移
棲息一枝安

唐雅卷第十五

唐雅卷第十六

大明嘉靖壬子歲直隸常州府無錫縣置板
誕辰部

中宗誕辰內殿宴群臣聯句一首

景龍二年十一月十五日中宗皇帝降
誕日內殿宴群臣因爲柏梁體聯句帝
謂侍臣曰今天下無事朝野多歡欲與
卿等詞人時賦詩宴樂可識朕意不須
惜醉大學士李嶠宗楚客等跪奏曰臣

等多幸同遇昌期謬以不才策名文館
思勵駑朽庶裨河岳既陪天歡不敢不
醉此後每遊別殿幸離宮駐驂芳苑鳴
笳仙禁或戚里宸筵王門毡席無不畢
從

潤色鴻業寄賢才中宗叨居右弼貴鹽梅李嶠運

壽帷幄荷時來宗楚客職掌圖籍濫蓬萊劉憲兩

司謬忝謝鐘裴崔湜禮樂銓管効涓埃鄭愔陳師

振旅清九垓趙彥昭忻承顧問侍天杯李適銜恩

獻壽栢梁臺蘇頌黃縑青簡奉康哉盧藏用鯁生

侍從忝王枚李义右掖司言實不才馬棟素宗伯

秩祀天地開薛稷帝歌難續仰昭回宋之問微臣

捧日變寒灰岑羲遠慙班左愧遊陪上官婕妤

李嶠中宗降誕日長寧公主滿月侍

宴一首景龍三年十一月十五日

神龍見像日仙鳳養雛年大火乘天正明珠

對月圓祚遙金篋裏歌奏玉筐前今日宜孫

慶還參祝壽篇

玄宗千秋節宴一首

并序

八月五日爲玄宗皇帝誕辰帝自題序
曰令節肇開情兼感受率題八韻以示
羣臣先是群臣張說等上表請曰左丞
相臣說右丞相臣璟等言臣聞聖人出
則日月記其初王澤深則風俗傳其後
故少昊著流虹之感商湯本玄鳥之命
孟夏有佛生之供仲春脩道祖之錄追
始尋源其義一也伏惟開元神武皇帝
陛下二氣含神九龍毓聖清明摠於玉
靈爽朗冠於金天月惟仲秋日在端五
恒星不見之夜祥光照室之朝群臣相
賀誕聖之辰也焉可不以爲嘉節乎比
夫曲水禊亭重陽射圃五日綵縷七夕
粉筵豈同年而語也臣不勝大願以八
月五日爲千秋節著之甲令布於四方
群臣以是日獻甘露醇酎上萬歲壽酒
王公戚里進金鏡綬帶士庶以結絲承

唐雅卷之六
三
露囊更相遺問村社作壽酒宴樂名賽
白帝報田神上明玄天光啓大聖下彰
皇化垂裕無窮異域占風同見美俗勅
旨凡是節日或以天氣推移或因人事
表紀八月五日是朕生辰感先聖之慶
靈荷皇天之眷命卿等請爲令節上獻
嘉名勝地良遊清秋高興百穀豐熟萬
寶已成自我作古舉無越禮朝野同歡
足爲美事依卿來請宜付所司

蘭殿千秋節稱君萬歲觴風傳率土慶日表
繼天祥玉宇開花萼金懸動會昌衣冠白露
下帟幕翠雲長獻壽成新俗朝儀入舊章月
銜花綬鏡露綴彩絲囊處處祠田祖年年宴
杜鄉深思一德事小獲萬人康

金張說奉和聖製千秋節宴應制一首
五德生王者千齡啓聖心赤光來照夜黃雲
上覆晨海縣銜恩久朝章獻壽新高居帝坐
出夾道衆官陳檠杖洗清景整管迎秋旻珠

囊含瑞露金鏡抱仙輪何歲無鄉飲何田不
報神薰歌與名節傳代幸群臣
張說皇帝降誕日集賢殿賜宴一首
仲秋金帝起五日土行昭瑞表壬寅露光傳
甲子宵陰風吹大澤夢日照昌朝不獨華封
老千年喜祝堯

王維奉和聖製天長節賜宰臣歌應
制一首

太陽升兮照萬方開闔闔兮臨玉堂儼冕旒
兮垂衣裳金天淨兮麗三光彤庭曙兮延八
荒德合天兮禮神遍靈芝生兮慶雲見唐堯
后兮稷卨臣匝宇宙兮華胥人盡九服兮皆
四隣乾降瑞兮坤獻珍

王維獻壽詞一首

宮殿參差列九重祥雲瑞氣奉堦濃微臣欲
獻唐堯壽遙指南山對袞龍

儲嗣部

盧僎上幸皇太子新院應制一首

貞觀十七年太宗立子治爲皇太子嘗
命皇太子遊觀習射太子辭以非所好
願得奉至尊居膝下太宗大喜乃營寢
殿側爲別院使太子居之太宗每視朝
皇太子常侍觀決庶政

佳氣曉葱葱乾行入震宮前星迎北極少海
被南風視膳銅樓下吹笙玉座中訓深家以
正義舉俗爲公父子成釗合君臣禹啓同仰
天歌聖道猶愧乏彫虫

韓王元嘉奉和同太子監守違戀一
首

永淳元年四月高宗以關中饑饉米斗
三百將幸東都留太子哲監國使劉仁
軌薛元超輔之

乾象開層構離明啓少陽卜征從獻吉守噐
屬元良逖矣凌周誦遙哉掩漢莊地分丹鷲
嶺途間白雲鄉好士傾南洛多才盛北場儲
誠虔曉夕宸愛積炎涼珠壁連霄漢萬物仰

重光

薛元超奉和同太子監守違戀一首
儲禁銅扉啓宸行玉輅遙空懷壽街吏尚隔
寢門朝地首瞻龍戟空中想鳳鏤飛文映仙
榜瀝思叶神飈帝念紆蒼陸軋文煥紫霄歸
塘橫筆海平圃振詞條欲應重輪曲鏘洋韻
九韶

婚姻部

高宗皇帝太子納妃太平公主出降

一首

太平公主武后所生沈敏多權略武后
以爲類已愛之傾諸女帝擇薛紹尚之
假萬年縣爲婚館門隘不能容翟車有
司毀垣以入自興安門設燎相屬道樾
爲枯帝與羣臣俱作詩慶婚
龍樓光曙景魯館啓朝扉艷日濃粧影低星
降婺暉玉庭浮瑞色銀榜藻祥徽雲轉花縈
蓋霞飄葉綴旂

郭正一奉和太子納妃太平公主出
降一首

桂宮初服冕蘭掖早升筭禮盛親迎晉聲芬
出降齊金龜開瑞鈕寶鸛上仙梯轉扇承宵
月揚旌照夕蜺

劉禕之奉和太子納妃太平公主出
降一首

夢梓光青陛穠桃藹紫宮德優宸念遠禮備
國姻崇萬戶聲明發三條騎吹通香輪送重
景綵旆引仙虹

元萬頃奉和太子納妃太平公主出
降一首

象輅初乘鴈璇宮早結禱離元應春夕帝子
降秋期鳴瑜合荐響比玉麗穠姿和聲躋鳳
掖交影步鸞墀

任知古奉和太子納妃太平公主出
降一首

帝子升青陛王姬降紫宸星光移雜珮月彩

薦重輪龍旌翻地杪鳳管颺天濱槐陰浮淺
瀨葆吹翼輕塵

胡元範奉和太子納妃太平公主出
降一首

帝子威儀絕儲妃禮度優疊鼓陪仙觀凝笳
翼畫輶鬱鬱神香滿奕奕彩雲浮排空列錦
罽騰觀溢皇州

裴守真奉和太子納妃太平公主出
降一首

瑜珮升青殿穠華降紫微還如桃李發更似
鳳凰飛金屋貞離象瑤臺起婺徽綵纓紛碧
座績羽泛綸衣

高宗皇帝太子納妃一首

雕軒回翠陌寶駕歸丹殿鳴珠佩曉衣鏤壁
輪初扇華冠列綺筵蘭醕申芳宴環階鳳樂
陳玳席珍羞薦蝶舞袖香新歌分落素塵歡
疑歡懃戚慶叶慶初姻暑闌炎氣息涼早吹
踈頻方期六合泰共賞萬年春

唐荆川卷六
九
胡元範奉和太子納妃一首

金閨未息火玉樹鍾天愛月路飾還裝星津
動歸佩紫極流宸渥清規佇慈誨恩波洽九
流光輝軼千載列席詔親賢式宴坐神仙聖
文飛聖筆天樂奏鈞天曲池涵瑞景文宇孕
祥烟小臣同百獸率舞悅堯年

裴守真奉和太子納妃一首

雲路移彤輦天津轉明鏡仙珠照乘歸寶月
重輪映望園嘉宴洽主第歡娛盛絲竹揚帝
薰簪裾奉宸慶藂雲藹曉光湛露晞朝陽天
文天景麗睿藻睿詞芳玉庭散秋色銀宮生
夕涼太平超邃古萬壽樂無疆

宋之問壽陽王花燭圖一首

仙媛乘龍日天孫捧鴈來可憐桃李徑更繞
鳳凰臺燭照香車入花臨寶扇開莫令銀箭
曉爲盡合歡杯

張光朝天門街西觀崇王聘妃一首

仙媛來朱邸名王出紫微三周初展義百兩

唐詩卷二
遂言歸鄭國通梁苑天津接帝畿橋成烏鵲
助蓋轉鳳凰飛霜仗迎秋色星缸滿夜輝從
茲磐石固應爲得賢妃

王昌齡蕭駙馬花燭一首

青鸞飛入合歡宮紫鳳嚙花出禁中可憐今
夜千家裏銀漢星槎一道通

張說安樂郡主花燭行一首

青宮朱邸翊皇闈玉葉瓊蕤際紫微姬姜本
來舅甥國卜筮俱道鳳凰飛星昴殷冬獻吉

日天桃穠李遙相匹鸞車風傳王子來龍樓
月殿天孫出平臺火樹連上陽紫炬紅輪十
二行丹爐飛鐵馳炎焰霞爍電吐明光綠
屏紺幘紛如霧節鼓清笳前啓路城隅靡靡
稍東還橋上鱗鱗轉南渡五方觀者聚中京
四合塵烟漲洛城商女香車珠結網天人寶
馬玉繁纓百壺淶酒千斤肉大道連延障錦
軸先祝聖皇壽萬年復禱宜家承百祿珊瑚
刻盤青玉樽因之假道入梁園梁園山竹凝

唐雅卷第十六
雲漢仰望高樓在天半翠幕蘭堂蘇合薰珠
廉挂戶水波紋別起芙蓉織成帳金縷鴛鴦
兩相向蜀茵飾地承珊瑚履花燭分階移錦帳
織女西垂隱燭臺雙童連縷合歡杯謁謁綺
庭嬪從列峨峨紅粉扇中開黃金兩印雙花
綬富貴婚姻古無有清歌棠棣美玉姬流化
邦人正夫婦

唐雅卷第十七

大明嘉靖壬子歲直隸常州府無錫縣置板

大公讌部

太宗春日玄武門宴羣臣一首

貞觀七年正月更名破陣樂曰七德舞
癸巳宴三品已上及州牧蠻夷酋長於
玄武門奏七德九功之舞魏徵欲上偃
武修文每侍宴見七德舞輒俛首不視
見九功舞輒諦觀之

韶光開令序淑氣動芳年駐輦華林側高宴
栢梁前紫庭文樹滿丹墀袞綬連九夷造瑤
席五狄列瓊筵娛賓歌湛湛露廣樂奏鈞天盈
樽浮綠醕雅曲韻朱絃粵余君萬國還慚俯
八埏庶幾保貞固虛已厲求賢

杜正倫玄武門侍宴一首

大君臨展暇睿賞狎林泉開軒臨禁籞藉野
列芳筵參差歌管颺容裔羽旗懸玉池流若
醴雲閣聚非烟湛露晞堯日薰風入舜絃大
德侔玄造微物荷陶甄謬陪瑤水宴仍廁栢
梁篇闕名徒上月鄒辨詎談天旣喜光華旦
還傷遲暮年猶冀升中月簪裾奉肅然

太宗宴中山一首

許敬宗奉和宴中山應制一首

以上二首見山嶽部

喬知之侍宴應制得分字一首

紫禁肅晴氛朱樓落曉雲豫遊龍駕轉天樂
鳳簫聞竹外仙亭出花間輦路分微臣一何

唐雅卷二
幸詞賦奉明君

虞世南侍宴應詔得前字一首

芬芳禁林晚容與桂舟前橫空一鳥度照水
百花然綠野明斜日青山澹晚烟濫陪終宴
賞握管類窺天

賈至侍宴曲一首

雲陛褰朱屐天墀覆綠楊隔簾粧隱映向席
舞低昂鳴珮長廊靜開冰廣殿涼歡餘劍履
散同輦入昭陽

姚崇故洛陽城侍宴應制一首

遊豫停仙蹕登臨對晚晴川鳧連倒影巖鳥
應虛聲野奏風成曲山居雲作纓今朝丘壑
上高興小蓬瀛

孫逖奉和上陽水窻賜宴得春字一

首

開元二十年夏四月三日宴百官於上

陽東州醉者肩輿以歸相屬於路

今日逢新夏歡遊續舊旬氣和先作雨恩厚

別成春鳳管臨青洛龍輿下紫宸此中歌在藻還見躍潛鱗

張九齡奉和上陽水窓賜宴得移字一首

河漢非應到汀洲忽在斯仍逢帝樂不如逐海槎窺春賞時將換皇恩歲不移今朝遊宴地莫比天泉池

張九齡天津橋賜宴得歌字一首
見橋梁部

李嶠奉和天樞成宴夷夏羣寮應制一首

長壽三年則天皇后徵天下銅五十餘萬斤鐵一百三十餘萬斤於定鼎門內鑄八稜銅柱高九十尺徑一丈二尺題曰大周萬國述德天樞紀革命之功貶唐家之德天樞下置鐵山銅龍負戴獅子麒麟圍繞上有雲蓋下施蟠龍以托之高一丈圍三丈金彩熒煌光侔日月

武三思爲其文朝士獻詩者不可紀惟
李嶠詩冠絕當時

轍迹銘西嶠勲庸紀北燕何如萬方會頌德
九門前的的臨黃道迢迢入紫烟仙盤正下
露高柱欲承天山類叢雲起珠疑大火懸聲
流塵作劫業固海成田帝澤傾堯酒薰風入
舜絃欣逢下生日還覩上皇年

李景伯迴波樂一首

景龍二年春正月中宗幸玄武門與近
臣觀宮女拔河又命宮女爲市肆公卿
爲商旅與之交易因爲忿爭言辭褻慢
上與后臨觀爲樂上又引近臣宴集令
各獻伎爲樂張錫爲談客舞宗晉卿舞
渾脫張洽舞黃麀杜元琰誦婆羅門呪
李行言唱駕車西河盧藏用効道士上
章國子司業郭山輝請誦古詩兩篇誦
鹿鳴蟋蟀未畢李嶠以詩有好樂無荒
之語止之羣臣酒酣帝又各命爲迴波

弄辭諫議大夫李景伯獨爲箴規語帝
不悅蕭至忠曰真諫官也

迴波爾時酒卮微臣職在箴規侍燕旣過三
爵誼譁竊恐非儀

沈佺期迴波樂一首

佺期曾以罪謫遇恩官還秩惟朱紱未
復嘗內宴羣臣皆歌迴波樂弄詞起舞
因是多求遷擢佺期撰此詞中宗卽以

緋魚賜之

迴波爾時佺期流向嶺外生歸身名已蒙齒
錄袍笏未賜牙緋

張說蘇摩遮五首

摩遮本出海西胡琉璃寶服紫髯鬚聞道皇
恩遍宇宙來將歌舞助歡娛
繡裝拍額寶花冠夷歌騎舞借人看自能激
水成陰氣不慮今年寒不寒
臘月凝陰積帝臺豪歌急鼓送寒來油囊取
得天河水將添萬壽萬年杯

寒氣宜人最可憐故將寒水散庭前惟願聖
君無限壽長取新年續舊年
昭成皇后帝家親榮樂諸人不比倫往日霜
前花委地今年雪後未逢春

張九齡集賢書院成奉勅送張說上
集賢學士賜宴序

集賢殿者本集仙殿也上不以惟睿作聖而
猶垂意好學用相必本於經術圖王亦始於
師臣及乎鴻生碩儒博聞多識之士自開元
肇建以迄于今大用徵集煥乎廣內而聽政
餘暇式燕在茲忠臣嘉賓得盡心之所聰明
文思有光被之德故下以道親上亦歡甚卽
於御座爰發德音以爲候彼神人事雖前載
傳於方士言固不經遂改仙爲賢去華務實
且有後命增其學秩是以集賢之庭更爲論
思之室矣中書令燕國公外弼庶績以奉沃
心之謀內講六經以成潤色之業故得出入
華殿師長翰林惟帝用臧固天所賴拜命之

日荷寵有加降聖酒之壘下御廚之膳食以樂侑人斯德飽時則有侍中安陽公等承恩預焉學士右散騎常侍東海公等攝職在焉或尚稷大賢或淵雲諸彥文王多士周室以寧武帝得人漢家爲盛而高視前古獨不在於今乎咸可賦詩以光鴻烈

玄宗集賢書院成送張說上集賢學士賜宴得珎字一首

開元十三年夏四月上與中書門下及禮官學士宴於集仙殿上曰仙者憑虛之論朕所不取賢者濟理之具今與卿曹合宴宜更名曰集賢其書院官三品以上爲學士六品以下爲直學士以張說知院事左散騎常侍徐堅副之

廣學開書院崇儒引席珎集賢昭來職論道命台臣禮樂公今古文章革舊新獻酬尊俎列賓主位班陳節變雲初夏時移氣尚春所希光史冊千載仰茲辰

韋述奉和聖製送張說上集賢學士
賜宴得華字一首

修文中禁起改字今名加台座徵人傑書坊
應國華賦詩開廣宴賜酒酌流霞雲散明金

闕池開照玉沙掖垣留宿鳥温樹落餘花謬
此天光及銜恩醉日斜

源乾曜奉和聖製送張說上集賢學
士賜宴得迎字一首

盛業光書府徵人盡國英司綸賢得相羣俊
學為名寵命垂天錫崇恩發睿情薰風清禁

籞文殿述皇明日霽庭陰出池曛水氣生歡
娛此無限詩酒自相迎

韋抗奉和聖製送張說上集賢學士
賜宴得西字一首

廣庭臨璧沼多士侍金闈英宰文儒叶明君
日月齊集賢光首拜改殿發新題早夏初移

律餘花尚拂蹊壺觴接雲上經術引關西聖
德鴻名遠將陪玉檢泥

裴濯奉和聖製送張說上集賢學士
軒翁亦賜宴得昇字一首上集賢學士

問道圖書盛尊儒禮教興石渠因學廣金殿
為賢昇日月恩光照風雲寵命膺謀謨言可

範舟楫事斯憑宴喜明時洽光輝湛露凝大
哉堯作主天下頌歌稱

李暉奉和聖製送張說上集賢學士
藥文賜宴得催字一首上集賢學士

偃武堯風接崇文漢道恢集賢更內殿清選
自由台佐命留侯業詞華博物才天厨千品

降御酒百壺催鵷鷺方成列神仙喜暫陪復
欣同拜首叨此頌良哉

劉昇奉和聖製送張說上集賢學士
賜宴得賓字一首

圖書應明主策府宴嘉賓台耀臨東壁乾光
自北辰網羅窮象繫述作究天人聖酒千鍾

洽仙厨百味陳成山徒可仰涉海詎知津幸
逢文教盛還覩頌聲新

賀知章奉和聖製送張說上集賢學
士賜宴得謨字一首

西學垂玄覽東堂發聖暮天光燭武殿時宰
集鴻都枯朽霑皇澤翺飛舞帝梧跡同遊汗
漫榮是拔泥塗三歎承湯鼎千歡接舜壺微
軀不可答空欲詠依蒲

王翰奉和聖製送張說上集賢學士
賜宴得筵字一首

東堂起集賢貴得俊神仙首命台階老將崇
御府員送人鏘玉佩中使拂瓊筵和樂熏風
解湛恩時雨連長材成磊落短翮強翩躚徒
仰蓬萊地何階不讓緣

趙冬曦奉和聖製送張說上集賢學
士賜宴得蓮字一首

淺術方觀海深恩忽見天學開丹殿籍名與
石渠賢良輔膺休命微生謬採甄春餘仍哢
鳥夏近未舒蓮牋札來宸禁衣冠集詔筵史
臣知醉德欲記升中年

百吹簫李元紘奉和聖製送張說上集賢學
士賜宴得私字一首

碩儒延鳳詔金馬被鴻私饌玉趨丹禁牋花
降紫墀銜恩傾旨酒鼓舞詠康時暫纂群書

緝逾盛業不接筵欣有命搢管愧無詞自驚
一何幸太陽還及葵

程行謚奉和聖製送張說上集賢學
士賜宴得迴字一首

聖主崇文化鏘鏘得盛才相因歸夢立殿以

集賢開象繫微言闡詩書至道該堯樽承帝
澤禹膳自天來禮洽歡逾長風恬暑更迴國

朝將舜頌同是一康哉
陸堅奉和聖製送張說上集賢學士

賜宴得今字一首
聖主崇文教層霄降德音尊賢澤既厚式宴

寵逾深復有夔龍相良哉簡帝心得人惟邁
昔多士諒推今書殿榮光滿儒門喜氣臨顧

惟成濫吹徒此接衣簪

蕭嵩奉和聖製送張說上集賢學士
昔多士賜宴得登字一首

帝曰簡才能旌賢在股肱文章體一變禮樂
道逾弘芸閣英華入賓門鴛鷺登恩筵過所
望聖澤實超恒夏葉開紅藥餘花發紫藤微
臣亦何幸叨此預文明

褚琇奉和聖製送張說上集賢學士
賜宴得風字一首

講習延東觀趨陪盛北宮推師忝帝則敷教

叶天工宣室恩堂異金華禮更崇洞門清永
日華綬接微風蕙降堯廚翠榴着舞酒紅文
思光萬宇高議待升中

蘇頲奉和聖製送張說上集賢學士
賜宴得茲字一首

肅肅金殿裏招賢固在茲鏘鏘石渠內序拜
亦同時燕賜勤談道文成貴說詩用儒今作
相敦學舊爲師下濟天光近中來帝渥滋國
朝良史載能事日論思

張說奉和聖製送赴集賢院得輝字

一首

侍帝金華講千齡道固稀位將賢士設書共
學徒歸首命深燕隗通經淺漢常列筵榮賜
食送客愧儒衣賀燕窺簷下遷鶯入殿飛欲
知朝野慶文教日光輝

玄宗春晚宴兩相及禮官於麗正殿

探得風字一首

并序

朕以薄德祇膺歷數正天柱之將傾紉

地維之已絕故得承奉宗廟垂拱巖廊

居海內之尊處域中之大然後祖述堯

典憲章禹績敦睦九族會同四海猶恐

蒸黎未乂徭戍未安禮樂之政虧師儒

之道喪乃命使者衣繡服行郡縣因人

所利澤其可勞所以便億兆也乃命將

士環介冑矢石審山川之向背應歲月

之孤虛所以靜邊陲也乃命禮官考制

度稽典則序文昭武穆享天地神祇所

以申嚴潔也乃命學者繕落簡緝遺編
纂魯壁之文章綴秦坑之煨燼所以修
文教也故能使流寓返枌榆之業戎狄
稱藩屏之臣神祇歆其禋祀庠序闡其
經術旣家六合時巡兩京函秦則委輸
斯遠鼎邑則朝宗所利封畿四塞從來
測景之都城闕千門自昔交風之地陰
陽代謝日月相推豈可使春色虛捐韶
華並歇乃置旨酒命英賢有文苑之高
才有掖垣之良佐舉盃稱慶何樂如之
同吟湛露之篇宜振凌雲之藻于時歲
在乙丑開元十三年三月二十七日

乾道運無窮恒將人代工陰陽調曆象禮樂
報玄穹介冑清荒外衣冠佐域中言談延國
輔詞賦引文雄野霽伊川綠郊明鞏樹紅冕
旒多暇景詩酒會春風

張說春晚侍宴麗正殿探得開字一

首

聖政惟稽古賓門引上才坊因購書立殿爲
集賢開旄彥星辰下仙章日月迴字如龍負
出韻是鳳嚙來庭柳餘春駐宮櫻早夏催喜
承芸閣宴幸奉栢梁杯

張說恩制賜食於麗正殿書院宴賦
得林字應制一首

開元十一年五月上置麗正書院聚文
學之士或脩書或侍講以張說爲書院
使有司供給優厚中書舍人陸堅以爲
無益徒費欲白罷之說曰自古帝王於
無事之時莫不崇宮室廣聲色今天子
獨延禮文儒發揮典籍所益者大所損
者微陸生之言何不達也上聞遂薄堅
東壁圖書府西園翰墨林誦詩聞國政講易
見天心位竊和羹重恩叨醉酒深緩歌春興
曲情竭爲知音

王濟恩制賜食於麗正殿書院宴賦
得天字應制一首

金殿忝陪賢瓊羞忽降天鼎羅仙掖裏觴拜
瑣闈前院逼青霄路廚和紫禁烟酒酣空抃
舞何以答昌年

玄宗同二相已下羣官樂遊園宴一
首

選日巖廊暇需雲宴樂初萬方朝玉帛千品
會簪裾地入南山近城分北斗餘池塘垂柳
暗原野雜花踈帟幙看逾暗歌鍾聽自虛興
闌歸騎轉還奏弼違書

崔沔奉和聖製同二相已下羣官樂
遊園宴一首

五日醑纔畢千年樂未央復承天所錫終燕
國之陽地勝春逾好思深樂更張落花飛廣
座垂柳拂行觴庶尹陪三史諸侯具萬方酒
酣同抃躍歌舞詠時康

胡皓奉和聖製同二相已下羣官樂
遊園宴一首

五醑終宴集三錫又驩娛仙阜崇高異神州

覽眺殊南山臨皓雪北闕對明珠廣座鷓鴻
滿昌庭駟馬趨綺羅含草樹絲竹吐郊衢
盃不能罷歌舞樂唐虞回二賦已下羣官樂

王翰奉和聖製同二相已下羣官樂

遊園宴一首

未極人心暢何如帝道明仍嫌醑宴促復寵

樂遊行陸海披珍藏天河望斗城四關青靄

合數處白雲生鼎鍊調元氣歌鍾溢雅聲空

漸堯舜日至德杳難名回二賦已下羣官樂

崔尚奉和聖製同二相已下羣官樂

遊園宴一首

春日照長安皇恩寵庶官合錢承罷飲宴帛

賜追歡供帳憑高列城池入迴寬花催相國

醉鳥和樂人彈北闕雲中見南山樹杪看樂

遊宜締賞舞詠惜將闌回二賦已下羣官樂

趙冬曦奉和聖製同二相已下羣官樂

樂遊園宴一首

爽塏三秦地芳華二月初醑承奠壁罷宴是

唐雅卷十
六
合錢餘柳翠垂堪結桃紅卷欲舒從容會鷓
鷺延曼戲龍魚喜氣流空物歡聲來里閭聖
恩將厚意請直記言書
張說奉和聖製同二相已下羣官樂
遊園宴一首雲中只南山樹外春樂
漢苑佳遊地軒庭近侍臣共持榮幸日來賞
艷陽春饌玉頒王篚從金下帝釣池臺草色
遍宮觀柳條新花綬光連榻朱顏暢飲醇聖
朝多樂事天意每隨人同二相已下羣官樂

張九齡奉和聖製同二相已下羣官

樂遊園宴一首

實筐延後命供帳序羣公形勝宜春接儀文
建禮同晞陽人以露解愠物從風朝慶千齡
始年華二月中輝光遍草木和氣發絲桐歲
歲爲無事徒知樂九功同二相已下羣官樂

宋璟奉和聖製同二相已下羣官樂

遊園宴一首

侍飲終醕會承恩續勝遊戴天惟慶幸選地

即殊尤北向低雙闕南臨賞一丘曲江新溜
暖上苑雜花稠疊疊韶絃屢戔戔賁帛周醉
歸填畛陌榮耀接軒裘

蘇頲奉和聖製同二相已下羣官樂

遊園宴一首

樂遊光地選醑飲慶天從座密千官盛場開
百戲容綠塍際山盡翠幙倚雲重上下花齊
發周迴柳遍濃奪情紛劍履喧聽雜歌鐘日
晚含恩散堯人併可封

張說三月二十日詔宴樂遊園賦得

風字一首

樂遊園在杜陵西北亦曰樂遊苑漢宣
帝神爵三年春起其地多玫瑰樹首種

草

樂遊形勝地表裏望郊宮北闕連天頂南山
對掌中皇恩貸芳月旬宴美成功魚戲芙蓉
水鶯啼楊柳風春花看欲暮天澤戀無窮長
袖招斜日留光待曲終

王維奉和聖製賜史供奉曲江宴應
制一首
侍從有鄒枚瓊筵就水開言陪栢梁宴新下
建章來對酒山河滿移舟草樹迴天文同麗
日駐景惜行杯

酺宴部

楊炯奉和上元酺宴應詔一首

聖曆元年

甲乙遇災年周隋送上絃祆星六丈出沴氣
七重懸赤縣空無主蒼生欲問天龜龍開寶

命雲火昭靈慶萬物覩真人千秋逢聖政祖
宗玄澤遠文武休光盛大號域中平皇威天
下驚參辰昭文物宇宙淡聲明漢后三章令
周王五代兵匈奴窮地角本自遠正朔驕子
起天衢由來虧禮樂一戰掃風雨再戰夷屯
剝清明日月旦蕭索烟雲渙寒暑既平分陰
陽復貞觀惟神諧妙物及聖符幽贊下武發
禎祥平諧屬會昌金泥封日觀壁水匝明堂
業盛勛華德興包天地皇孝思儀罔極易禮

光前式天渙三辰輝靈書五雲色敬時窮發
斂卜代盈千億五緯聚華軒重光入望園公
卿論至道天子拜昌言雷解初開出星空卽
便元瑤臺涼景薦銀闕秋陰遍百戲騁魚龍
千門壯宮殿深仁洽蠻貊凱樂周寰縣宣室
召羣臣明庭禮百神仰德還符日霑恩更侶
春襄城非牧監楚國有巴人

盧照隣登封大酺歌一首

日觀仙雲隨鳳輦天門瑞雪照龍衣繁絃綺

席方終夜妙舞清歌歡未歸

杜審言大酺二首

永昌元年

聖后乘乾日王明御曆辰紫宮初啓坐蒼壁
正臨春雷雨垂膏澤金錢贈卜人詔酺歡賞
遍交泰覩惟新

毘陵震澤九州通士女歡娛萬國同伐鼓撞
鐘驚海上新粧袷服照江東梅花落處疑殘
雪柳葉開時任好風火德雲官逢道泰天長
地久屬年豐

陳子昂洛城觀酺應制一首

聖人信恭已天命允昭回蒼極神功被青雲
秘籙開垂衣受金冊張樂宴瑤臺雲鳳休徵
滿龍魚雜戲來崇恩踰五日惠澤暢三才玉
帛羣臣醉徽章縵禮該方覩升中禪言觀拜
洛迴微臣固多幸敢上萬年杯

張說東都酺宴五首 并序

先天元祀孟冬十月東都留守常公賁
奉聖朝述宣嘉旨乃合洛京之五省招

河尹之二縣將吏咸集佩章有序鏘鏘
濟濟侃侃闔闔供張於興教之門式酺
宴也原夫樂生於心非因結風之奏和
達於氣無待陽春之節蓋澤之所及也
深則情之所感者遠國家天地一統君
臣百年朝榮舊德之序野賴先疇之業
玄化漸漬洪恩既久太上功德不宰夏
后命子之初皇帝孝理無爲漢祖事親
之日生堯舜於天屬見文武於同時前

古未逢斯人何幸是日六樂振作萬舞
萬弱鳥獸徘徊士女踴躍則知衆庶觀
德之所樂也旨酒絡繹大庖燔炙芳溢
風烟醉流阡陌又知衣冠之所適也由
近而視遠萬國之慶皆然自明而察幽
三靈之欣可接若夫吟詠德澤播越人
聲斯固雅頌之餘波政教之遺美凡我
詞客安敢闕如賦詩展事垂列于後
堯舜垂天下同心致太平吾君內舉聖遠合

至公情錫命承丕業崇親享大名二天資廣
運兩曜益齊明道暢昆蟲樂恩深朽蠹榮皇
輿久西幸留鎮在東京合宴千官入分曹百
戲呈樂來嫌景遽酒著訝寒輕喜氣連雲閣
歡呼動洛城人間知幾代今日見河清
重華昇寶曆軒帝眇閑居政成天子孝俗返
上皇初忘味因觀樂歡心寄合醕自憐疲馬
意戀戀主恩餘

朱城塵暄滅翠幙景情開震震靈鼉起翔翔

舞鳳來雕盤裝草樹綺乘結樓臺共喜光華
日酣歌捧玉杯

曉月調金鼓朝暎對玉盤爭馳羣鳥散鬪伎
百花團遇聖人知幸承恩物自歡洛橋將舉
燭醉舞拂歸鞍

凱宴惟今席餘歡殊未窮入雲歌嫋嫋向日
妓叢叢缺管催酣興留關待曲終長安若爲
樂應與萬方同

玄宗御製春中興慶宮醮宴一首

并序

夫抱器懷才含仁蓄德可以坐而論道
者我於是乎闢重門以納之作扞四方
折衝萬里可運籌帷幄者我於是乎懸
重祿以待之是故外無金革之虞朝有
縉紳之盛所以巖廊多暇垂拱無爲不
言而海外知歸不教而寰中自肅元亨
之道其在茲乎况乎天地交而萬物通
陰陽和而四時序所寶者粟所貴者賢
故以宵旰爲懷黎元在念盡力溝洫不

知宮室之已卑致敬鬼神不知飲食之
斯薄往以仲冬建子南至初陽爰詔司
存式陳郊祀挹夷夏之誠請答人神之
厚睠烟歸太一禮備上玄以申昭報之
情足以極嚴禋之道然心融萬類歸雷
雨之先春慶洽百寮象雲天而高宴歲
二月地三秦水汎汎而龍池滿日遲遲
而鳳樓曙清門左右軒庭映梅柳之春
紫陌東西帟幕動烟霞之色撞鐘伐鼓
雲起雪飛歌一聲而酒一盃舞一曲而
人一醉詩以言志思吟湛露之篇樂以
忘憂慙運臨汾之筆

九達長安道三陽別館春還將聽朝暇迴作
豫遊辰不戰要荒服無刑禮樂新合醜覃土
宇歡宴接羣臣玉笋飛千日瓊筵薦八珍舞
衣雲曳影歌扇月開輪伐鼓魚龍雜撞鐘角
觥陳曲終酣興晚須有醉歸人

張說奉和聖製春中興慶宮酺宴應

唐雅卷七
制一首

千齡逢啓聖萬域共來威慶接郊禋後醑承
農事稀御樓橫廣路天樂下重闈鸞鳳調歌
曲虹霓動舞衣合聲雲上聚連步月中歸物
覩恩無外神和道入微鎬京陪樂飲栢殿奉
文飛徒竭秋雲影何資春日暉

張九齡奉和聖製南郊禮畢醑宴一
首

開元十一年十一月戊寅有事於南郊

大赦賜奉祠官階勳爵親王公主一子
官高年粟帛孝子順孫終身勿事天下

醑三日京城五日

配天昭聖業率土慶輝光春發三條路醑開
百戲場流恩均庶品縱觀聚康莊妙舞來平
樂新聲出建章分曹日抱戴赴節鳳歸昌幸
奏承雲樂同晞湛露觴氣和皆有感澤厚自
無疆飽德羣臣醉連歌奉栢梁

張九齡奉和聖製登封禮畢洛城醑

唐雅卷七
宴一首

大君畢能事端戾樂成功運與千齡合歡將
萬國同漢醔歌聖酒韶樂舞薰風河洛榮光
遍雲烟喜氣通春華頻覺早天澤倍加崇草
木皆霑被猶言不在躬

蘇頌廣達樓下夜侍醔宴應制一首

東岳封迴宴洛京西墉通曉會公卿樓臺絕
勝宜春苑燈火還同不夜城正覩人間朝市
樂忽聞天上管絃聲醔來萬舞羣臣醉喜戴

千年聖主明

王昌齡夏月花萼樓醔宴應制一首

土德三元正堯心一國同汾陰備冬禮長樂
應和風賜慶垂天澤流歡舊渚宮樓臺生海
上簫鼓出天中霧曉筵初接宵長曲未終雨
隨行羣合月向舞筵空玉陛分朝列文章發
聖聰愚臣忝書賦歌詠頌絲桐

王維奉和聖製正月十五夜燃燈繼
以醔宴應制一首

見節序部

儲光義大酺得長字韻時任安宜尉

一首

大道啓元命時人居太康中朝發玄澤下國
被天光明詔始端午初筵當履霜鼓鼙開爽
氣羽籥映新暘太守卽玄圃淮夷成葆彊小
臣慚下位拜手頌靈長

儲光義獻高使君大酺作一首

肅穆郊禋畢工歌賞事并三朝遵湛露一道

洽仁明布德言皆應無爲物自成花添羅綺
色鶯亂管絃聲獨有同高唱空陪樂太平

李白流夜郎聞酺不預一首

北闕聖人歌太康南冠君子竄遐荒漢酺聞
奏鈞天樂願得風吹到夜郎

唐雅卷第十七

昔年春後...

...

...

...

素陰天樂飄影風如...

其關聖人知天...

李自爾夜...

色驚...

...



